

Ing. Vi Frank:

Nombramento di Leo de Cuba como director di Kadaster ta un bon decision!

ORANJESTAD (AAN)-- Na aña 1990, Ing. Vi Frank mester a baha cu pension, y door di esey, pasa pa otro hende e cargo di director di Kadaster. Pero e ministro di e tempo ey a pidi e pa keda un par di luna mas te ora e nombra un director nobo. Asina Ing. Frank a menciona den entrevista cu DIARIO tocante su trayectoria di 38 aña largo, den Kadaster.

Ing. Frank ta conta: "e par di lunanan ey a dura 3 aña y na 1993 en conversacion cu e ministro mi a bise cu ta oportuno pa e nombra otro director. E tempo ey tabata tin un aplicacion habri pa cual Ing. Leo de Cuba a opta, y cu mi ta haya cu ta un seleccion hopi bon haci, cu el a bira director. Ora el a asumi e cargo el a pidi mi pa mi keda un par di luna mas pa mi dirigi e un poco.

Un par di luna cu atrobe a bira dos aña y cinco siman, y na aña 1995 si mi a bay cas. Pero tabata tin asina tanto proyecto pa ehecuta, cu na dado momento el a yama mi pa nos papia, ya cu tabata tin e proyecto di e mapa nobo cu a worde bula na 1990 cual no tabata completamente cla ainda, pero tabata tin escasez di personal pa caba cune y cargue dilanti. El a puntra mi si kier bin y mi a dicidi di bin bek". Ing. Vi Frank a comenta.

Despues di un proyecto a bin otro y otro mas y ainda tin diferente ta na caminda, y algun cu ta bay cuminsa. Asina ta cu ainda e experiencia di Vi Frank ta sigui duna fruto.

UPGRADING

Ing. Vi Frank, a comenta tambe cu Aruba ta hopi isola pa loke ta concerni e profesion aki, pa cu e aspecto di upgrading.

"Nos ta leu for di Europa cu ta masha avanza riba e tereno di Kadaster. Aunke nos por bula y yega den un rato otro camindanan di mundo, door cu nos ta isola nos no ta bay e conferencianan cu tin riba e materia aki tur aña, si no ta na Europa ta na Merca, of otro partinan di mundo, incluyendo Hulanda unda cada

dos pa tres aña tin conferencia riba tereno di Kadaster", Vi Frank a señala.

Sin embargo e hecho cu Aruba no ta participa cu frecuencia den sorto di conferencianan mundial asina, esey no ta nifica cu no tin otro sistema pa keda "up to date" riba e avancen den materia di Kadaster.

"Loke nos mester haci semper ta keda 'up to date' door di literatura riba aspectonan cu bo no ta haya e chens di bay studia afo. Mi a yega di puntra un Arubano cu ta un eminencia den ley pero cu nunca a haya su grado academico na Universidad, pakico nunca el a busca su titulo. El a bisa mi cu e no por a bay Universidad pero el a laga Universidad bin cerca dje. Esey mi a tene den mi cabes cu si bo no por sigui studia bo por tene bo mes na haltura y siña mas tambe di bo profesion", Ing. Frank a menciona.

UN BISTA RIBA PASADO

Tempo cu Vi Frank a cuminsa traha na Kadaster, e

departamento tabata situa den e piso ariba di Tienda Oduber.

Tabata un edificio sin aircor unda tur hende tabata traha cu bentana habri, y cada ken mester a usa di 4 pa 5 prensapapel pa tene nan papelnan di moda cu biento no bula nan. "E tempo ey no tabata tin computer ni calculator electronico, pero gewoon cu aparatonan mecanico nos tabata traha cune.

Despues a bin e type machine electrico cu tempo cu a worde introduci tabata pa nos un revelacion grandi.

Na aña 1964 nos a muda pa e actual edificio y for di e tempo ey nos ta aki banda", el a splica.

Cu 11 experto (contando e mes aden), algun asistente, y 3 empleado administrativo, Vi Frank a asumi e puesto di director di Kadaster. Actualmente e departamento ta conta cu 58 empleado, pues el a crece mas cu mitad.

UN DEPARTAMENTO DI "TEAM WORK"

Un di e aspectonan cu Ing. Vi Frank mas ta gusta di Kadas-

ter ta e bon relacion cu ta existi entre tur empleado, e masha bon comunicacion cu otro, y e hecho cu e experiencia di esnan di mas aña ta sumamente importante pa esnan mas nobo riba e tereno aki.

Ing. Vi Frank a menciona Sr. Ru Arends cu a cuminsa pareu cune, ken tambe semper ta dispuesto na pasa su conocimetonan na tur esun cu bin cerca dje, pidi consejo of opinion: "nan ta haci bon uso di e experiencia cu nos tin" el a remarca refiriendo na su coleganan mas hoben.

El a agrega cu tin un proyecto

di "Kadastering" (identificacion Kadastral) cu ta bay cuminsa otro aña cu poder di Dios, riba cual e cu Ru Arends so tin experiencia, y nan ta bay duna tur nan aporte na esnan cu ta bay tuma e trabao aki over.

DESEO DI SKIRBI UN BUKI

Un deseo cu Ing. Vi Frank ta hunta cune den su pensamiento ta pa pone e historia di Kadaster riba papel den forma di buki y cu ilustracion di tur e material antiguo, hopi valioso cu tin warda den e departamento y cu ta refleha e trabao haci for di 1838.

INVITACION

Na ocasion di 70 cumpleaños di nos estimada

JOHANNA FRANS

Nos kier a invita tur famia, conocir- bisina- i excoleganan di Aruba Trading Co. pa un brindis.

Dia: 8 December 1998

Lugar: Cafeteria di Dr. Horario Oduber Hospital

Hora: 5.30 - 7.30 PM

Boso presencia lo ta altamente aprecia.

Den nomber di:

Marella, Mike, Mitchell y Mikha van Oostveen

Por favor acepta esaki como un invitacion personal

TAXI COFFEE SHOP

TA PRESENTA

Diasabra 5 December 1998

"Sensacion del Caribe y Miniteca La Rasa"

Horario: di 9'or - 3'or

Henter anochi **Mix drinks na \$2.00**

Patronisa pa Aquardiente Antioqueño y Rum Medellin Limon di Rafjo distribuidor N.V.



K.O. SOFTBALL BUSCH LEAGUE organiza pa "COMLOT SOFTBALL TEAM"

Lugar: CARIBE BALL PARK

Fecha: 6 December 1998

10:30AM. Dominico Arubano v/s San Nic. Vets

1:00PM. Solterito Vets v/s Pepsi Vets

2:30PM. Happy Bros v/s Garcimar

4:00PM. Kudawecha Indians v/s Polar

Musica: "DJ Moreno" Bar y cushina lo ta bon surti! combina cu BBQ.



TELEFONNAN DI DIARIO
826747
FAX
828551



BON BINI BAZAR
(OPERATED BY ROMCO N.V.)

TA BUSCA PART TIME SALES GIRLS
PA YUDA NOS DURANTE E TEMPORADA EXTRA DRUK DI DECEMBER